

Biblia alang sa Kabataan
motanyag

Ang mga Milagro ni Jesus



Gisulat ni: Edward Hughes

Gihulagway ni: Byron Unger; Lazarus
Alastair Paterson

Gipahaom ni: E. Frischbutter; Sarah S.

Gihubad ni: Mel Lorell Abugho,
Cheryn Mabano Abugho

Gipagawas sa: Bible for Children
www.M1914.org

©2024 Bible for Children, Inc.

Pagtugot: Mahimo kang mokopya o mopatik niini
nga estorya, ayaw lang ibaligya.




Si Jesus naghimo ug daghang milagro. Mga milagro maoy mga timailhan nga nagpakita nga si Jesus mao gayod ang Anak sa Diyos. Ang unang milagro nga nahitabo mao ang sa usa ka kombira sa kasal. Mitumaw ang usa ka problema. Walay igo nga bino alang sa tanan.



Si Maria, ang inahan ni Jesus, misulti Kaniya mahitungod sa problema, dayon misulti sa mga sulugoon sa pagbuhat sa bisan unsa nga isugo ni Jesus.



"Pun-a kining mga kaldero ug tubig,"
miingon si Jesus. "Tubig?" sila
nangutana. Oo, tubig ang gipangayo
ni Jesus.



Unya giingnan ni Jesus
ang usa ka sulugoon sa
pagkuha gikan sa usa
ka dako nga kaldero
ug ipatilaw kini sa
nagdumala sa kombira.
Ang tubig nahimo
na ug bino!
Maayong
bino! Ang
labing maayo
nga bino!




Natingala ang mga
sulugoon. Gihimo ni
Jesus ang tubig nga
bino. Ang Dios lamang
ang makahimo sa
maong mga milagro.



Naghimo si Jesus ug lain na mga milagro. Usa ka gabii, Siya ug ang Iyang mga disipulo miadto sa balay ni Pedro. Ang ugangang babaye ni Pedro grabe nga gihilantan.



Gihikap ni Jesus ang kamot sa masakiton nga babaye. Sa usa ka higayon naayo na usab siya. Siya mitindog aron sa pag-alagad kang Jesus ug sa mga tinun-an.



Morag ang tibuok siyudad
nagtigom sa pultahan
nianang gabhiona.


Ang mga masakiton -
buta, bungol, amang,
bakol. Bisan ang
mga tawo nga na
demonyohan
gidugok si Jesus.
Makatabang
ba Siya sa
kadaghanan?



Si Jesus, ang Anak sa Diyos, makatabang. Si Jesus nakatabang gayod. Ang tanan nga miduol Kaniya nangaayo. Ang mga tawo nga nagguyod sa kinabuhi gamit ang saklay mahimo nang makalakaw ug makadagan ug makalukso.



Ang uban nangabot,
nga nahimong
mangil-ad tungod
sa sanla.



Sila nahimong tibuok
ug limpyo ingon
giayo sila ni Jesus.



Ang mga lalaki ug babaye nga gisamok sa mga demonyo mibarog atubangan ni Jesus. Iyang gisugo ang mga demonyo sa pagbiya kanila.


Samtang ang mga demonyo mituman, nahadlok, dili malipayon nga mga tawo nahimong kalmado ug malipayon.



Sa luyo sa panon, upat ka lalaki ang misulay sa pagtabang sa ilang higala ngadto kang Jesus. Apan dili sila makaduol. Unsa may ilang mahimo?



Gidala ang masakiton nga tawo
ngadto sa atop sa balay, ang
upat ka matinumanong higala
gibira ang atop pa bulag
ug gipaubos siya. Karon
duol na siya kang
Jesus.




Nakita ni Jesus nga ang upat ka higala adunay pagtuo. Miingon siya sa masakiton, "Gipasaylo na ang imong mga sala. Kuhaa ang imong higdaanan ug lakaw." Mitindog ang tawo, na maayo ug kusgan. Giayo siya ni Jesus.



Sa dili madugay pagkahuman, si Jesus diha sa sakayan uban sa mga tinun-an.


Usa ka makahahadlok nga unos ang mikusokuso sa dagat.

Si Jesus natulog. Ang nalisang nga mga disipulo mipukaw Kaniya. "Ginoo, luwasa kami," sila mihilak. "Mamatay kami!"



"Paghilom," si Jesus mimando sa mga balud. Diha-diha dayon, ang dagat mikalma. "Unsa man kini nga klase nga tawo?" mihunghong ang Iyang mga tinun-an. Bisan ang hangin ug dagat mituman Kaniya. Ug sila mituo nga si Jesus mao ang Anak sa Dios kay ang Iyang mga milagro nagpakita sa Iyang himaya. Ang mga tinun-an wala mahibalo niini,

apan sila makakita kang Jesus nga nagbuhat ug mas dagkong mga milagro ingon Siya nag-alagad sa Dios taliwala sa mga tawo.



Ang mga Milagro ni Jesus

Estorya gikan sa Pulong sa Dios, ang Biblia,

makita sa

Mateo 8-9; Marcos 1-2, 4;
Lucas 4, 8; Juan 2

"Ang pag-abot sa Imong mga Pulong
nagahatag og kahayag." Salmo 119:130



Ang Kataposan

40

60



Kini nga estorya gikan sa Biblia nagasulti kanato bahin sa kahibulongan nga Dios nga nagbuhat kanato ug gusto Niya nga kita makaila Kaniya.

Nahibalo ang Dios nga nakabuhat kitag daghang daotan. Gitawag Niya kini nga sala. Kamatayon ang silot sa sala. Pero nahigugma pag-ayo ang Dios kanato. Iyang gipadala ang bugtong Niyang Anak nga si Jesus aron mamatay sa Krus ug silotan tungod sa imong mga sala. Unya nabanhaw si Jesus ug mibalik sa Langit! Kon motuo ka kang Jesus ug mohangyo nga pasayloon ka sa imong mga sala, himoon kana Niya! Moanha Siya ug mopuyo sulod kanimo karon, ug mopuyo ka uban Kaniya hangtod sa kahangtoran.

Kon motuo ka nga kini ang tinuod, ingna ang Dios:
Ginoong Jesus, ako nagatuo nga Ikaw Dios, ug nahimong tawo aron mamatay alang sa akong mga sala, ug karon Ikaw nabuhi pag-usab.

Anhi sa akong kinabuhi ug pasayloa ang akong mga sala, aron mabag-o ang akong kinabuhi karon, ug unya makig-uban ako Kanimo hangtod sa kahangtoran. Tabangi ako nga motuman Kanimo ug magkinabuhi alang Kanimo ingon nga Imong anak. Amen.

Basaha ang Biblia ug pakigsulti sa Dios kada adlaw! Juan 3:16

